

Io Mammeta E Tu

Massimo Ranieri

Ti avevo detto, dal primo appuntamento,
'e nun purtá nisciuno appriesso a te...
Invece mo nu frato,
na sora, na nepote...
sola nun staje na vota:
ascimmo sempre a tre!
E mi hai promesso: "Domani chi lo sa...
vengo io soltanto...soltanto con mammá!..."

Io, mámmeta e tu...
passiammo pe' Tuledo,
nuje annanze e mámmeta arreto...
Io mámmeta e tu...
Sempe appriesso,
cose 'e pazze:
chesta vène pure ô viaggio 'e nozze...
Jamm'ô cinema, a abballá...
si cercammo 'e ce 'a squagliá,
comm'a nu carabiniere
chella vène a ce afferrá...

Ah...Ah...Ah...
ma, 'nnammurato,
só rassignato:
Non reagisco più...
Io, mámmeta e tu!...

Io, mámmeta e tu!...

Ma San Gennaro mm'aveva fatto 'a grazia:
ll'ata matina nun ll'ha fatta aizá:
Teneva ll'uocchie 'e freve,
pareva ca schiattava,
io quase mme credevo
d'ascí sulo cu te...
Nu filo 'e voce, però, truvaje mammá:
"Da 'a piccerella ve faccio accumpagná..."

Io, sòreta e tu...
Jamm'ô bar ô Chiatamone:
"Vuó 'o cuppetto o vuó 'o spumone?"
"Chello ca costa 'e cchiù!"
Pe' ricordo 'e 'sta jurnata,
dint''a villa, ce hanno fatt''a foto...
Vò 'o pallone, vò 'o babbá
nun se fida 'e cammená...
guardo a essa, guardo 'o mare...
stó penzanno 'e ce 'a mená...

Ah...Ah...Ah...
ma, 'nnammurato,
só' rassignato...
non regisco più...
Io, sòreta e tu!...

Io, sòreta e tu!...

Ammore mio, staje sempe cu 'e pariente...
chesta famiglia mme pare na tribù...
Arrivano 'a Milano,
arrivano 'a ll'Oriente...
e tutta chesta gente
sta sempe attuorno a me...
Na vecchia zia ca steva a Cefalù,
venuta ccá, nun se n'è ghiuta cchiù..
Io, zietta e tu...
poverina, è sofferente,
ogne tanto, nu svenimento...
io, zietta e tu...
Ll'uovo frisco, 'a muzzarella,
cammenammo sulo in carrozzella...
Stó pavanno 'a ccá e 'a llá...
'E denare chi mm'è ddá?!
O te lasso o, fra nu mese,
stó cercanno 'a carità!...

Ah...Ah...Ah...
tu mm'hé 'nguajato...
mme sposo a n'ata,
nun ve veco cchiù...
Mámmeta, sòreta e tu...
páteto, fráteto e tu...
nònneta, zietta e tu...

páteto, fráteto, nònneta,
sòreta, sòreta, zietta,
zietta, páteto, páteto,
fráteto, fráteto, nònneta...
nònneta, páteto...'o cane...

...Scusate giuvinò, io só 'a bisnonna...
só turnata proprio mo da 'o 'spitale...

Aaaaaahhhhhh!!!!